



2



蔡中郎文集序



漢蔡中郎傳邕博學辭章爲靈紀十
裔及雜文凡百四篇傳於世傳所載
者釋誨幽冀刺史闕疏陳政要七事
金商門答災異疏被收時表及世傳
獨斷女訓文選陳太丘等碑文初學
記短人賦纔十數篇而已按唐書藝

文志洎吳氏西齋書目並云邕集十
五卷今之所傳纔十卷亡外計六十
四篇其中可疑者宗廟頌贊述武皇
平亂之功又有昊天卷祐我魏之句
蓋以宗廟指魏也又有魏武帝祀喬
太尉文稱丞相冀州刺史魏主操謹遣
掾再拜祀姜伯淮碑建安二年卒

劉鎮南碑建安十三年薨太和二年
葬按邕本傳董卓被誅邕爲王允所
害時年六十一據邕金商門答災異
被收表云臣今年四十八靈帝光和
元年也董卓被誅獻帝初平三年也
光和元年戊子至初平三年壬申邕
正六十一矣又初年至四年改興平

二年改建安至五年正月薨操薨三
月改建康十月禪子魏王丕即初平
四年是爲二十六年太和二年乃魏
明帝之二年至是又八年計邕死已
三十六年矣按初平已前操尚在誅
卓之歲操始爲東郡太守破黃巾於
壽張至建安十三年操自爲丞相二

十一年操自進爲魏王亦有魏宗廟
而操不得先稱魏王武帝及武皇也
其姜伯淮鎮南薨葬相後年代差遠
邕安得紀述耶是集也今旣缺五卷
矣見所傳者蓋後之好事者不本事
迹編他人之文相混之耳非十五卷
之本編固矣建安黃初之文體多相

類復不逮廣披衆集固不可知其誰
之作也偶閱而有得識于帙末天聖
紀蹄龍集癸亥余月哉生明後八日
海陵西齋平陽歐靜識之序

蔡中郎文集叙



明朝列大夫參議江藩東陽王乾章撰

蔡中郎邕陳留郡人也文集若干卷舊刻于吳
中夫中郎博學善文爲漢季稱最今雖遐陬僻
壤賈童牧孺靡不思慕詠歌顧桑梓之區制作
不少槩見俾文采無徵寧非典籍之缺然者歟
或曰文因人而傳中郎乃文人之無行者是以
無傳焉此又不然古人之所爲要不可以淺衷

測識也彼其際百六之厄丁陽九之窮皆欲屈
志淪汙默爲推挽故楊雄獻美於新莽荀彧濡
跡於曹瞞彼豈嬰情好爵哉其意蓋有爲也中
郎當漢靈時以議郎病免及董卓崛起屢徵不
就劫之以威乃就旬日之間周歷三臺羌胡梟
獍中郎豈不知之其應召也固將托爲心腹其
其膏肓正論排之微詞諷之從容以開導之方
復以規諭之芟維社之荒蕪噓炎光於

其心也彼昏不知卒罹燃臍之慘邕亦駢首就
戮哀哉故子雲以符命投閣文若以九錫誅夷
中郎以一嘆隕命三子者皆比匪之傷其心乎
漢則一也不然邕嘗取朱穆以貞孤謂有羔羊
之節讚楊秉之清儉雅重純白之操豈依卓以
苟富貴者歟矧邕曠世逸才學無不貫使其不
死必將抽金匱石室之藏品題軒輊勒成一代
之典與子長孟堅爭馳不知孰爲先後耳司徒

允慮其訛謗竟寘之刑滅典覆紀難乎免於世
矣予過陳留思中郎風致欲吊其廬與墓飛烟
冷劫增慨噫焉檢笥中得中郎文集檄陳留令
徐子噐校讎而雕之徐令雅尚古作興起斯文
力任茲役亦以爲邑之鄉先哲也殺青已竟請
予斯文乃弁諸首若夫窮經取則孝感兔祥則
誌乘已備而識焦琴辨柯笛乃博洽細事皆可
畧也故予著其事卓之心示後之人亦爲解嘲

云爾

萬曆元年仲春望日書

蔡中郎文集目錄

一卷

故太尉喬公廟碑

東鼎銘

中鼎銘

西鼎銘

黃鉞銘

太尉喬公碑

朱公叔議

鼎銘

墳前石碑

王子喬碑

二卷

郭有道林宗碑

文範先生陳仲弓碑

陳太丘碑

陳太丘碑

汝南周巨勝碑

彭城姜伯淮碑

陳留范史雲銘

玄文先生李子材銘

處士園叔則銘

三卷

司空楊秉碑

臨晉侯楊公碑

漢大尉楊公碑

文烈侯楊公碑

琅邪王傳蔡朗碑

劉鎮南碑

四卷

太傅文恭侯胡公碑

胡廣碑

胡公碑

太傅祠前銘

漢交趾都尉胡府君夫人黃氏神誌

太傅安樂侯胡公夫人靈表

議郎胡公夫人哀讚

五卷

光武濟陽宮碑

太尉汝南李公碑

陳留索昏庫上里銘

陳留太守胡公碑

胡碩碑

六卷

荅丞相可齋議

幽冀二州刺史久缺疏

難夏育上言鮮卑仍犯諸郡

答詔問災異八事

被收時表

七卷

和熹鄧后謚

為陳留太守上孝子

薦邊文禮

薦皇甫規

八卷

表太尉董公可相國

讓尚書乞在閑冗

巴郡太守謝

宗廟祝嘏辭

九祝辭

宗廟迭毀議

上始元服與羣臣上壽

表賀錄換誤上章謝罪

讓高陽侯印綬符策

九卷

京兆樊惠渠頌

掾史張玄祠堂碑銘

袁滿來碑銘

幼童胡根碑銘

司徒袁公夫人馬氏碑銘

濟北相崔君夫人誄

十卷

明堂月令論

月令問答

外傳

胡廣黃瓊頌

上漢書十志疏

述行賦

短人賦

飲馬長城窟行

釋誨

篆勢

隸勢

蔡中郎文集目錄

蔡中郎文集卷之一

漢左中郎將蔡邕伯喈傳

太尉喬公廟碑



光光列考伊漢元公克明克哲實獻實聰如淵之浚
如嶽之嵩威壯虓虎文繁雕龍撫柔疆垂戎狄率從
敷教中夏五教攸通帝謂我后朕嘉君功命君三事
時亮天功公拜稽首翼翼惟恭左右天子祗厥勳庸
庶績既熙黎民時雍上下謚寧八方和同丕顯伊德
作憲萬邦公諱玄字公祖少辟孝廉辟司徒大將軍

府爲侍御史牧一州典五郡出將邊營入掌機密歷
三卿同三司享年七十五光和七年夏五月甲寅以
太中大夫薨于京師朝廷所以吊贈如前傳之儀九
月乙酉葬於某所三孤故臣門人相與述公言行咨
度禮制文德銘于三鼎武功勒於鉦鉞官簿第次事
之實錄書于碑陰俾爾昆裔末有仰於碑陰云

喬氏之先出自黃帝帝葬於橋山子孫之紹基立姓者
咸以爲氏漢興世以禮樂爲業高祖諱仁位至大鴻臚
列名於儒林祖侍中廣州相考東萊太守公稟性貞純

幼有弘姿剛而不虐威而不猛聞仁必行賄義斯在文
以典術守以繼固弱冠從政當官而行刺史周公辟舉
從政所部二千石受取有驗公糾發贓罪致之於理時
有椒房桂戚之託周公累息不爲之動史魚之勁直山
甫之不阿於是始形舉孝廉除郎中洛陽左尉特進顏
王梁不疑爲河南尹當事以對是時畏其權寵而爲屈
辱者多矣公不折節解印綬去辟司徒舉高第補侍御
史以詔書考司隸校尉趙祁事廷尉郭貞私與公書非
接使御命之儀公封書以聞貞以文章得用鬼薪公離

司寇辟大將軍梁公幕府屢以救正于其隆指將軍嘉之無言不讎又以高第補侍御史在職旬月羗戎匪茹震驚隴漢西府舉公拜涼州刺史威名克宣凶虜革心清風席卷至則無事車師後部阿羅多卑居相與爭國興兵作亂公遣從事牛稱何傳舉輕騎奉辭責罪收阿羅多卑居繫燉煌正處以聞阿羅多爲王卑君侯稱以奉使副指除侯部侯不動干戈揮鞭而定西域之事人以爲美談又值饑荒諸郡饑餒公開倉廩以貸救其命王者以舊典宜先請公曰若先請民已死虜訖乃上之

詔報曰邊穀不得妄動玄擅出於是玄有及黜憂民之心後不以爲常公達於事情剖斷不疑皆此類也遷齊相視民如保赤子討惡若赴水火刑明賞遂民知勸懼臨淄令賂財賊多遂正其罪受鞠就刑沒齒無怨以不先請免官徵拜上谷太守民有父子俱行凶人人惡言當道曉之不止其子殺人公捕得見其悔辨不舉文書以遇赦令蕃縣有帝舜廟以故事齋祠戶曹史張機有懲罰貨祠巫自託以舜命約公云不得譴公覺其奸態收考首伏即日伏辜遷漢陽太守上邽令皇甫貞贓罪

明審收考髡鉗死于冀市後以病去徵拜議郎司徒長史循王惺桓帝同產以懷逆謀黜封瘦陶王以公長於襟帶拜鉅鹿太守惺畏怖明憲檢于靜息自將作大匠徵未到而章謗先入故轉拜議郎遂用免官徵度遼將軍遷河南尹少府大鴻臚司徒司空託病而去悉引衆灾雖非已負公昔以自劾遜位歲餘拜尚書令時河間相蓋升以朝廷在藩國時鄰近舊恩歷河南太守太中大夫在郡受取數億以上創毒深刻公表升會放狼籍不顧天綱損辱國家公上招怨當肆市朝以謝此民官

遇贖令罪除惡在可免升官禁錮終身沒入財賂非法之物以充帑藏懲戒群下連表上不納而升遷爲侍中公稱病辭徙拜光祿大夫復拜大尉如前遜位復拜少府病不就職拜太中大夫凡所獲祿皆公府所特表選臨難受位自九列之後咸以明公紀綱張弛勇決不回析見是非明作達於事機燕居從容申申天和樂寬裕愛士親仁凡見公容貌聞公聲音莫不熙怡悅懌思樂莫則來者忘歸去者願還雅性謙克不吝於利欲雖衆子群孫竝在仕次曾無順媚一言之求身沒之日無

獲大位在百里者莫得好縣北方公孫未有若茲者也
初公爲舍於舊里第卒推與其孤至於即世柩殯無所
清儉仁與之効於斯爲著巍巍乎若德允世之表儀也
已

東鼎銘

維建寧三年秋八月丁丑延公于玉堂前廷乃詔曰其
以大鴻臚喬玄爲司空再拜稽首以讓帝曰俞往哉三
讓然後受命公乃虔恭夙夜帝采勤施八方旁作穆穆
對揚天子丕顯休命越在先民毗于天子丕著股肱

畢其思心式率天行式昭德音公亦冠緹厥由鑒于法
罔敢不法憲于誠罔敢不誠用摠是羣后保乂帝家勛
在方策民咸曰休哉惟帝念功越若來二月丁丑遷於
司徒

中鼎銘

維建寧四年三月丁丑延公登于玉堂前廷乃制詔曰
其以司空喬玄爲司徒公拜稽首以讓帝曰俞往哉三
讓然後受命公允迪厥德宣力肆勤戰戰兢兢以役帝
事越其所以率夫百辟媚于天子天子曰都慎厥身修

思永同寅協恭以和天衷德則昭之違則塞之回乃不
敢不弼枉乃不敢不匡股肱之事既充三事之繇允備
災眚作見乃引其責曰凡庶徵不若彝倫不叙是惟臣
之職祇以疾告表越十月庚午記此

西鼎銘

維光和元年冬十二月丁巳延公入崇德殿前乃制詔
曰其以光祿大夫玄爲太尉公拜稽首曰臣聞之三讓
莫或克從臣不敢辭臣犬馬齒七十可以生可以死其
戮力聞私悉心在公以盡爲臣之節子時侍從陞階與
聞公之昌言者莫不惕厲如履薄冰旣乃碑表百代

黃鉞銘

孝桓之季年鮮卑入塞抄盜起凶奴左部梁州叛羌逼
迫兵誅淫衍東移高句麗翻子百固逆謀竝發三垂騷
然爲國憂念西府表喬公昔在梁州柔遠能邇不煩軍
師而車師克定及在上谷漢陽連在營郡督力方剛明
集御衆徵拜度遼將軍始受旄鉞鉦鼓之任扞禦三垂
公以吏士頻年在外勤於奔命人馬疲羸撓鈍請且息
州營橫發之役以補困憊朝廷許之於是儲廩豐饒室

磬不懸人逸馬同弓勁矢利而經用省息官有餘資執
事無放散之尤簿書有進入之羸治兵示威戎士踴躍
旌旗耀日金鼓震奮守有山岳之固攻有必克之勢差
戎受首于西疆百固冰散于東隣鮮卑收迹烽燧不舉
眎事三年馬不帶缺弓不受彊是用鏤石作茲鉦鉞軍
鼓陳之東階以昭公文武之勛焉銘曰帝命將軍秉茲
黃鉞威靈振耀如火之列公之在位羣狄斯柔齊斧罔
設人士斯休

太尉喬公碑

公諱玄字公祖梁國睢陽人也。大鴻臚之曾孫廣州相
之孫東萊太守之元子也。膺受純性誕有特表。岐嶷而
超等。摠角而逸羣。至於初紳。高明卓異。為衆傑雄。其性
疾華尚朴。有百折不撓。臨大節而不可奪之風。經藝傳
記。周覽博涉。瑰琦在前。靡所不識。當世是以服重器。歸
高名。州郡交請。待以訪斷。歷端首則義可行。處瓜牙而
威以布。察孝廉。除郎中。洛陽左尉。以公事去。辟司徒舉
高第。侍御史。直道而往。用免其任。辟大將軍西府。表拜
涼州刺史。遷齊相。以公事去。詔書印綬。即家拜上谷太

守遷漢陽太守。徵拜議郎。司徒長史。鉅鹿太守。被詔書
為將作大匠。為受罰者所章。拜議郎。即徵拜度遼將軍。
遷河南尹。少府。大鴻臚。遂陟司空。司徒。託病遜位。起家
拜尚書令。以疾篤稱。拜光祿大夫。後拜太尉。久病自替。
復為少府。太中大夫。春秋七十五。光和七年五月甲寅。
薨。公性質直。不憚強禦。在憲臺。則有盡規之忠。領州郡。
則有虎賁之威。其拔賢如旋流。討惡如霆擊。每所臨向。
清風光翔。遠近豫震。茲可謂感越衆庶。彰於遠邇者已。
於是故吏司徒博陵顧烈。廷尉河南吳延等。以為玉璽。

在已。揚之由人。苟不倣述。夫何考焉。乃共勒嘉石。永昭
芳烈。遂作頌曰。

赫矣喬父。秉文握武。內為宗幹。出為藩輔。在憲彈枉。
竟由厥矩。允牧于涼。刈彼裔土。爰將度遼。亦用齊斧。
敷教四畿。旋統京宇。敦茲五服。衆庶是與。膺踐七命。
翼我哲聖。登空補袞。陟徒訓敬。尹尉清宸。熙帝之政。
終始為貞。典章以定。遺愛在民。皇哀其命。立石刊銘。
莫逸斯聽。魂而有靈。萬億其盛。

朱公叔議

漢益州刺史南陽朱公叔卒門人陳季珪等議所謚云
宜曰忠文子陳留蔡邕議曰昔在聖人之制謚也將以
勸善彰惡俾民興行賢愚臧否依事從實雖文武之美
靈厲之穢罔不具存自王公以降至于列國大夫皆用
配號傳于無窮秦以世言謚而黜其事漢興以來惟天
子與五等之爵然後有之公卿大臣其禮闕焉歷世彌
久莫之或脩益州府君貫綜典術率由舊章始與諸儒
考禮定議加陳留府君以益州之謚是後覽之者亦無
間焉今子直慕前業不忘遺則孝既至矣禮實宜之

謹覽陳生之議思忠文之意參之群學稽之謚法夫萬
類莫貴乎人百行莫美乎忠故夏后氏正以人統教以
忠德然則忠也者人德之至也而猶有三焉孔子曰進
思盡忠又曰臣事君以忠奉上之忠也曰爲人謀而不
忠乎又曰忠焉能勿誨乎謀誨之忠也春秋左氏傳曰
小大之獄必以情情忠之屬也又曰上思利人曰忠撫
下之忠也三者人之則而忠行乎其中益州府君自始
事至沒身忠言不輟乎口忠誅不已乎心其在帝室正
身危行言如砥矢策合神明蹇蹇之諫文章具存奉上

忠矣其在部臣匡救善導出自一心疑不我聽者果有
躓覆不測之禍謀誨忠矣爰牧冀州時值凶荒勞心苦
思勤恤度事誅弊貪暴糾戢貴黨雖則強禦當官能行
夫豈淫刑將有利也發墓盜掘議而不罪夫豈漏姦
以情也撫下忠矣位在牧伯職據納言秉權食祿實有
年數而居無畜好財貨不益糲食布衾旣謂之精麗昔
魯季孫行卒宰庀家噐無衣帛之妾無食粟之馬君子
曰相三君矣而無私積可不謂忠乎而謚曰文子春秋
外傳曰忠文之實也然則文忠之彰也忠以爲實文以

彰之事通議合兩名一致是貞儉之稱文也邾子遷
卜遷于繹史曰利於民不利於君公曰民苟利矣孤亦
與焉於是遷而遂卒謚曰文公是危身利民之稱文也
衛大夫孔圉謚曰文子子貢疑焉惟敏而好學不耻下
問仲尼與之是勤學好問之稱文也府君所在屢以忤
違貼以深患苟除民害死生以之前後三黜一懼疾廢
於身危矣兼包六典命世作師猶復宗事趙叟示有攸
尊能下問矣有一於此猶可以稱况乃忠兼三義文備
三德於古志不悖而謚法亦曰宜矣本議曰忠文子按



原件短缺

古之以子配謚者魯之季文孟懿子衛之孫文公叔文
皆諸侯之臣也至於王室之卿大夫其尊與諸侯並故
以公配春秋曰劉卷卒葬劉文公公羊傳曰劉卷者何
天子大夫也經又曰王子虎卒左傳曰王叔文公卒而
同盟禮也此皆天子大夫得稱其禮與同盟諸侯敵體
故也又禮緣臣子咸欲尊其君父故雖侯伯子男之臣
自稱其君咸得曰公及其卒也異國之人稱之皆然是
以邾子許男稱公以葬春秋之正義也以例言之則府
君王室亞卿也有王叔劉氏之比以臣子之辭言之則

百僚矯枉董真罔肯阿順以黜其位潛于郎中羣公並
表乃遷議郎登于東觀纂業前史於是冀州凶荒年饑
民匱而貪婪之徒乘之爲虐錫命作牧靜其方隅乃據
洪化奮靈武昭令德塞群違貞良者封植殘戾者芟夷
去惡除盜無俾比而作匪用陷于非辜復徵拜議郎病
免官徵拜尚書清一以考其素正直以醇其德出納帝
命乃無不允雖龍作納言山艾喉舌靡以尚之享年六
十有四漢皇二十一世延熹六年夏四月乙巳卒于官
天子痛悼詔曰制詔尚書朱穆立節忠亮世篤爾行虔

恪機任守死善道不幸而卒朝廷閔焉今使權謁者中
郎揚首贈穆益州刺史印綬魂而有靈嘉其寵榮嗚呼
哀哉肆其孤用作茲寶鼎銘載休功俾後裔永用享祀
以知其先之德

墳前石碑

維漢二十一世延熹六年粵四月丁巳文忠公益州太
守朱君名穆字公叔卒于京師其五月丙申葬于宛邑
北萬歲亭之陽舊兆域之南其孤野受顧命曰古者不
崇墳不封墓祭服雖三年無哭不於寢今則易之吾不取

也爾其無拘於俗無廢于誠野欽率遺意不敢有違封
墳三板不起棟宇乃作祠堂于邑中南舊陽里備器鑄
鼎銘功載德懼墳封彌久夷于平壤於是依德像緣雅
則設茲方石鎮表靈域用慰其孤罔極之懷乃申詞曰
歆惟忠文時惟朱父實天生德丕承洪緒彌綸典術
允迪聖矩好是貞厲疾彼強禦斷剛若讐柔亦不如
仍用明夷邁難受侮帝曰休哉朕嘉乃功命汝納言
胤女祖蹤父拜稽首翼翼惟恭篤業不忘夙夜在公
昊天不吊降茲殘殃不遺一父俾屏我皇我皇悼心

錫詔孔傷位以益州贈之服章用刊彝器宣昭遺光
子子孫孫永載寶藏

王子喬碑

王孫子喬者蓋上世之真人也聞其仙舊矣不知興於
何代博問道家或言潁川或言彥蒙初建斯域則具斯
丘傳承先人曰王氏墓紹胤不繼荒而不嗣歷載彌年
莫之能紀洎于永和元年十有二月當臘之夜上有哭
聲其音甚哀附居者往聞而恠之明則登其墓察焉洪
雪下無人踪見一大鳥跡有祭祀之處左右或以爲神

其後有人着絳冠大衣杖竹策立冢前呼樵孺子尹禿
謂曰我王子喬也爾勿復取吾先人墓前樹也須臾忽
然不見時令太山萬熙稽古老之言感精瑞之應咨訪
其驗信而有徵乃造靈廟以休厥神於是好道之儔自
遠來集或絃歌以詠太一或談思以歷丹田其疾病疴
瘵者靜躬祈福即獲祚若不虔恪輒顛踣故知至德之
宅兆真人之先祖也延熹八年秋八月皇帝遣使者奉
犧牲以致祀祇懼之敬肅如也相國東萊王章字伯義
以爲神聖所興必有銘表昭示後世是以賴鄉仰伯陽

之踪闕民慕尹喜之風乃會長史邊乾訪及士隸遂樹
玄石紀遺烈俾志道者有所覽焉

伊王君德通靈含光耀秉純貞應大道羨久榮棄
俗飛神形翔雲霄浮太清乘螭龍載鶴輶載華笈
金鈴揮羽旗曳霓旌懽罔極壽億齡昭篤孝念所
歲終闕發丹情存墓冢舒哀聲遺鳥跡覺舊城被絳
衣垂紫纓呼孺子告姓名由此悟感怖驚脩祠宇友
几遙饋饈進甘香陳時傾顧聲明煙匡流祉熙帝庭
祐邦國相黔民光景福耀無垠

蔡中郎文集卷之二

郭有道林宗碑

先生名恭。字林宗。太原界休人也。其先出自有周。王季之穆。有號叔者。實有懿德。文王咨焉。建國命氏。或謂之郭。即其後也。先生誕膺天衷。聰獻明哲。孝友溫恭。仁篤柔惠。夫其器量弘深。姿度廣大。浩浩焉。汪汪焉。奧乎不可測已。若乃砥節勵行。直道正辭。貞固足以幹事。隱括足以矯時。遂考覽六籍。探綜群緯。周流華夏。游集帝學。收文武之將墜。詠微言之未絕。于時纓綬之徒。紳佩之

士望形表而累附。聆嘉聲而響和者。猶百川之歸巨海。鱗介之宗龜龍也。爾乃潛隱衡門。收朋勤誨。童蒙賴焉。用祛其蔽。州郡聞德。虛已備禮。莫之能致。群公休之。遂辟司徒掾。又舉有道。皆以疾辭。將蹈洪崖之遐跡。紹巢由之絕軌。翔區外以舒翼。超天衢以高跼。稟命不融。享年四十有三。以建寧二年正月乙亥卒。凡我四方同好之人。永懷哀悼。靡所寘念。乃相與推先生之德。以圖不朽之事。僉以為先民既沒。而德音猶存者。亦賴之於紀述也。今其如何。而闕斯禮。於是建碑表墓。昭銘景行。俾芳烈奮乎百世。令問顯乎無窮。其詞曰。

於休先生。明德通玄。純懿淑靈。受之自天。崇壯幽濬。如山如淵。禮樂是悅。詩書是敦。匪惟披華。乃尋厥根。宮牆重仞。允得其門。懿乎其純。確乎其操。洋洋縉紳。言觀而高。棲遑泌丘。善誘能教。赫赫三事。幾行其招。委辭召貢。保此清妙。降年不永。民斯悲悼。爰勒茲銘。攜其光耀。嗟永來世。是則是效。

文範先生陳仲弓銘

君諱寔字仲弓。潁川許人也。其先出自有虞氏。中葉當

周之盛德。有媯滿者。武王配以大姬。而封諸太昊之墟。是爲陳胡公。春秋之末。失其爵土。遂以國氏焉。世篤懿。今聞不。身之清和。受明哲之上姿。憑先民之遐迹。秉玄妙之淑行。投足而襲其軌。施舍而合其量。夫其仁愛溫柔。足以孕育群生。廣大寬裕。足以包覆無方。剛毅強固。足以威暴矯邪。正身體化。足以陶冶世心。先生有四德者。故言斯可象。靜斯可效。是以邦之子弟。遐方後生。莫不同情瞻仰。由其模範。從其趣尚。戾狼斯和。爭訟化讓。雖嚴威猛政。迫以刑戮。未若先生潛導之。

速也。其立朝事上也。恭順貞厲。含章直方。無顯諫以彰直。不割高而引長。常幹州郡腹心之任。義則進之以達道。否則退之以光操。然後德立名宣。蓋于當世。辟司徒府。納規建謀。匡弼三事。人用昭明。台階允寧。遷聞喜長清風。揚於所漸。儉節溢於監司。郡政有錯。爭之不從。即解綬去。復辟太尉府。遷太丘長。民之治情。歛慾反於端懿者。猶草木偃於翔風。百卉之挺於春陽也。以所執不協所屬。色斯舉矣。不俟終日。辟大將軍府。道之行廢。有分於命。乃離密網。以就禁錮。潛伏不試。十有八年。大忌

蠲除舉賢良方正。大將軍司徒竝辟。君曰七十有懸車之禮。况我過諸。遂不應其命。容止法度。老而彌壯。凡所履行事類。博審不可勝數。略舉首目。其實錄之記在手。其傳春秋八十有三。中平三年八月丙子卒。大將軍三公使御屬往吊。祠會葬。作誄謚曰文範先生。刺史太守樹碑頌德。許令以下。至於國人立廟。舊邑四時烝嘗。歡哀承祀。其如祖禰先生存。獲重稱。亡歆血食。修行於已。得斯於人。固上世之所罕有。前哲之所不過也。孤嗣紀街恤在疚。敢錄言行終始所守。乃有二三友生。咨度禮

則咸曰。君化道神速。行于有國。法施于民。祀典所宗。鄉人之祠。非此遺孤所得專也。昔者先生甚樂茲土。築室講誨。精靈所寧。紀順奉雅意。遂定兆域。宜有銘勒表墳。墓俾後生之歌詠德音者。知在封之存斯也。乃作銘曰。於熙文考。天授弘造。淵玄其深。巍我其高。剛而無虐。柔而不撓。誕鋪模憲。示世作教。君之誨矣。民胥効矣。道行斯進。廢乃斯止。鮮我顯忝。旣多幽否。舍榮取辱。涅而不緇。德之休明。賤不爲耻。超邈其猶。冀與方軌。

陳太丘碑

先生諱寔字仲弓。潁川許昌人也。含元精之和。膺期運之數。兼資允德。總脩百行。於鄉黨則恂恂焉。斌斌焉。善誘善導。仁而愛人。使夫少長咸安懷之。其為道也。用行舍藏。進退可度。不徼訐以干時。不遷怒以臨下。四為郡功曹。五辟豫州。六辟三府。再辟大將軍。宰聞喜半歲。太立一年。德務中庸。教敦不肅。政以禮成。化行有謚。會遭黨事。禁錮二十年。樂天知命。澹然自逸。交不諂上。愛不黷下。見幾而作。不俟終日。及文書赦宥時。年已七十。遂隱紅山。懸車告老。四門備禮。悶心靜居。大將軍何公。

徒袁公前後招辟。使人曉諭。云欲特表。便可入踐常伯。起補三事。佩紆金紫。光國垂勳。先生曰。絕望也。又飾事待期而已。皆遂不至。弘農楊公東海陳公。每在衮職。群僚賀之。皆舉首曰。潁川陳君。命世絕倫。大位未躋。慙於文仲。竊位之負。故時人高其德。重於公相之位也。年八十有三。中平三年八月丙子。遭疾而終。臨沒。顧命留葬所。卒時服素棺。擲財用。視喪事。唯約用。過乎儉。群公百僚。莫不咨嗟。巖叟知名。失聲揮涕。大將軍吊祠。錫以嘉謚。曰。徵仕陳君。稟岳瀆之精。包靈輝之純。天不憖遺。一

老。俾。屏。我。王。梁。崩。哲。萎。于。時。靡。憲。縉。紳。儒。林。論。德。謀。績。
謚。曰。文。範。先。生。傳。曰。郁。郁。乎。文。哉。書。曰。洪。範。九。疇。彝。倫。
攸。叙。文。爲。德。表。範。爲。士。則。存。誨。沒。號。不。兩。宜。乎。三。公。遣。
令。史。祭。以。中。牢。刺。史。敬。吊。太。守。南。陽。曹。府。君。命。官。作。誄。
曰。赫。矣。陳。君。命。世。是。生。令。光。醇。德。爲。士。作。程。資。始。旣。正。
守。終。有。令。奉。禮。終。沒。休。矣。清。聲。遺。官。屬。掾。吏。前。後。赴。會。
刊。石。作。銘。府。丞。與。比。縣。會。葬。荀。慈。明。韓。元。長。等。五。百。餘。
人。總。麻。設。位。哀。以。送。之。遠。近。會。葬。千。人。已。上。河。南。尹。种。
府。君。臨。郡。追。嘆。功。德。述。錄。高。行。以。爲。遠。近。鮮。能。及。之。置。

部。大。掾。以。成。斯。銘。斯。可。謂。存。榮。沒。哀。死。而。不。朽。者。也。爲。
作。銘。曰。

峩。峩。崇。嶽。吐。符。降。神。於。皇。先。生。抱。寶。懷。珎。如。何。昊。寧。
旣。喪。斯。文。微。言。圯。絕。來。者。曷。聞。交。交。黃。鳥。爰。集。于。墓。
命。不。可。贖。哀。何。可。極。

陳太丘碑

維。中。平。五。年。春。三。月。癸。未。豫。州。刺。史。典。以。陳。太。丘。述。德。政。
之。大。經。是。以。作。謚。封。墓。興。於。周。禮。衛。鼎。晉。銘。其。昭。有。實。
故。太。丘。長。穎。川。許。昌。陳。寔。字。仲。弓。含。聖。抗。口。之。清。和。盡。人。

才之上美光明配於日月廣大咨乎天地辟四府等三
城神化著於民物形表圖於丹青巍巍焉其不可尚也
洋洋乎其不可測也儉約違時懸車致仕徵辟交至遂
不屑就春秋八十有三寢疾而終大將軍賜謚群后建
碑國人立廟先有二子季方元方皆命世希有繼期特
立季方盛年早亡亦圖容加謚元方在喪毀瘁消形嘔
血純孝過哀率禮不越于時嘉異畫像郡國欽盛德之
休明懿鍾鼎之碩義乃樹碑鐫石垂世寵光詞曰於皇
先生冠耀八荒闡德之宇探道之綱繼期立表以訓四
方惟亮天工群生之望高明允實有馥其芳載德奕世
休有烈光欽慕在人舊有憲章過牧斯州庶奉清塵弃
子而邁靡瞻靡聞嗟我懷矣曷所咨詢告哀金石式昭
其勤

汝南周巨勝碑

君諱勰字巨勝陳留太守之孫光祿勳之子也君應坤
乾之淳靈繼命世之期運玄懿清明貞厲精粹體仁足
以長人嘉德足以合禮總六經之要括河洛之機援天
心以立鈞贊幽明以揆時沈靜微密淪於無內寬裕弘

博含乎無外巨細洪纖罔不總也是以實繁於華德盈乎譽初以父任拜郎中疾去官察孝廉是時郡守梁氏外戚貴寵非其好也遂以病辭太守復察孝廉乃俯而就之以明可否然猶私存衡門講誨之樂不屑已也又委之而旋故大將軍梁冀專國作威海內從風世之雄材優逸之徒莫不委質從命而顛覆者蓋以多矣聞君洪名前後三辟而卒不降身由是縉紳歸高群公事德太尉司徒再辟三辟察賢良方正州舉孝廉皆病不就擢擲之際災眚仍發聖上詢諮師錫策命公車特徵君

仰瞻天象俯效人事世路多險進非其時乃托疾杜門靜居里巷無人跡外庭生蓬蒿如此者十餘年強禦不能奪其守王爵不能滑其慮至延熹二年乃更闢門延賓享宴娛樂及秋而梁氏誅滅十二月君卒然則識幾知命可覩於斯矣洋洋乎若德雖崇山千仞重淵百尺未足以喻其高窈其深也夫三精垂耀處者有表爰在上世作者七人焉有該百行備九德齊光日月洞靈神明如君之至者與亶所謂天民之秀也享年五十不登期考遐邇歎悼痛心矢圖乃相與建碑勒銘以旌休美

其辭曰

厥初生民天賜之性有龐有醇有否有聖伊維周君
允丁其正誕茲明德自貽哲命煥乎其文如星之布
確乎不拔如山之固追踪先緒應期作度潛心大猷
譚思德謨遁世無悶屢辭王寮洋洋泌丘于以逍遙
蔑爾童蒙是訓是教瞻彼榮寵壁言諸雲霽且優哉游哉
侔此弘高名振華夏光耀昆苗清風丕揚德音孔昭

彭城姜伯淮碑

先生諱肱字伯淮彭城廣人也其先出自帝胤在皇唐

蓋與四岳共葉能禮於神舜命秩宗爰封于呂其裔昌

望佐周剋殷俾侯齊國姓有姜氏即其後也高祖祖父

皆豫章太守穎陰令先生既蹈先世之純德體英妙之

高姿立性純固百行修備故其平生所能事親惟孝如

大舜五十而慕友于兄弟有棠棣之華萼韡之度體惠

理和有上德之素安靜守約恩及嬰兒恬蕩之固至操

動信邑中化之外戶不閉治藏無隱及其學而知之者

三墳五典八索九丘俯仰占候推步陰陽有名物定事

之能獨見先覩之効然猶學而不厭誨而不倦童冠自

遠方而集者蓋千餘人夫水盈而流德交而形是故德行外著洪聲外布華夏同稱名振當世凡十辟公府九舉賢良方正公車特徵玄纁禮聘又家拜犍為太守太中大夫先生盤桓有德莫之肯就不隕穫於貧賤不充拙於富貴拔乎其萃出乎其類生民之傑也年七十有七建安二年四月辛巳卒於是從游弟子陳留申屠蟠等悲悼傷懷懼微言之欲絕感絕論之事乃建碑於墓甄述景行曰邈矣先生應天淑靈孝友是備上德是弘此文藝耽怡是寧恂恂善誘童冠來誠有輝其

煥其聲顯顯群公並加辟命赫赫聖皇仍獲其聘委策避國守此玄靜綽乎其裕確乎其操疇昔洪崖雙名並高嗟乎殞沒縉紳永悼依依我徒靡則靡効勒銘金石彌遠益曜

貞節先生陳留范史雲銘

先生諱丹字史雲陳留外黃人陶唐氏之後也其在周室有士會者爲晉大夫以受范邑遂以爲氏漢文景之際爰自南陽來家于成安生惠及延延喜二年官至司農廷尉君則其後也君受天正性志高行潔在乎幼弱

固已藐然有烈節矣。時人未之或知，屈爲縣吏，亟從仕進，非其好也。退不可得，乃託死遁去。親戚莫知其謀，遂隱竄山中，涉五經覽書傳尤篤。易尚書學立道通久而後歸遊集太學，知人審友，苟非其類，無所容納。介操所在，不顧貴賤，其在鄉黨也，事長惟敬，養稚惟愛，言行舉動，斯爲楷式。郡縣請召，未嘗屈節。甚有備禮招延，虛已迓之者，亦爲謀奏其忠直。以處士舉孝廉，除郎中，萊蕪長未出京師，喪母行服，故事服闋後還郎中，君遂不從。州郡之政，凡其事君過則弼之，闕則補之，通清夷之路。

塞邪枉之門，舉善不拘階次，黜惡不畏強禦，其事敏博，不可詳載。雅性謙儉，體勤能若，不樂假借與從事，荷負徒行人不堪勞，君不勝其逸。辟太尉府，俄而冠帶士咸以群薰見嫉，時政用受禁錮，君罹其罪，閉門靜居，九族中表莫見其面。晚節禁寬，困於屢空，而性多檢括，不治產業，以爲卜筮之術，得因吉凶道治民情，以受薄償，且無咎累，乃鬻鬻卦于梁宋之域，好事者覺之，應時輒去，禁旣蠲，除太尉，張公司徒，崔公前後四辟，皆不就，仕不爲祿，故不牽於位，謀不苟合，故特立於時。是則君之所以

立節明行。亦其所以後時失途也。年七十有四。中平二年四月卒。太尉張公兗州劉君陳留太守淳于君外黃令劉君僉有休命。使諸儒參案典禮。作誄著謚曰貞節。先生昭其功行。錄記所履。著於耆舊。刊石樹銘。光示來世。

於顯貞節。天授懿度。誕茲明哲。允迪德譽。如淵之清。如玉之素。罔之不濁。涅之不污。用行思忠。含藏思固。伯夷是師。史鮪是慕。榮貧安賤。不恡窮迂。其死善道。遺名之故。身沒譽存。休聲載路。

玄文先生李子材銘

玄文先生名休。字子材。南陽宛人也。其祖李伯陽。周柱下史。覲衰世而遁焉。其後雄俊豪傑。往往崛起。出自戰國。及漢名臣。繼踵枝胄。散逸其遷于宛尚矣。王莽竊位。漢祚中移。考翼佐世。祖匡復郊。廟錫封茅。土卿相牧。守于時。相逐休少。以好學游心。典謨既綜。七經又精。群緯鉤深。極奧窮覽。聖吉居則玩其辭。動則察其變。雲物不顯。必考其占。故能獨見前識。以先神意。若古今常難疑義。錯繆前人。所希論後學。所不覽休。盡剖判剝散。幽暗靡

不昭爛猶發憤於目所不覩體所不聞遂登東岳觀百
王遺風習容闕里以協禮秉退而講誨童冠仰焉傳傳
如也郡署五官掾功曹司空胡公顯以儒譽特進大鴻
臚仍優禮固請秉讓執虛辭此三命不爲利回不爲義
疚臨寵審已不動其守可謂純潔皓素綽有餘裕者已
其於鄉黨細行敦睦九族篤信交友不可得而詳也初
娶配出後配未字年旣五十苗胤不嗣以永壽二年夏
五月乙未卒凡其親昭朋徒臭味相與大會而葬之鼎
俎之禮節文曲備時令戴君臨喪命謚郡遣丞掾冠蓋
咸屆旣定而後罷焉於是故好友朋僉以爲仲尼旣沒
文不在茲韞積美玉喪莫賈之求而無繼悽爾永思乃
刊斯石懿德是不

吁茲先生秉德恭勤天啓哲心其學孔純經緯是綜
雅麗是分行已守道匪禮不遵處約不威聞寵不欣
榮不能華威不能震天淑厥命以讓以仁有惠云載
惟邦之珍按典考謚謚以玄文身沒名彰配黔作隣
遺譽罔極丕昭億年嗚呼哀哉

處士園叔則銘

伊漢二十有一世處士有園典字叔則者夫其生也天
真淑性清理條暢精微周密包括道要致思無形深總
曆部織入藝文藻分葩列如春之榮守根據窮不虛其
聲偉德若茲惟世之英乃遂隱身高藪稼穡孔勤童蒙
來求彪之用文不義富貴譬諸浮雲州郡禮招休命交
集徒加名位而已莫之能起也博士徵舉至孝耻已處
而復出若有初而無終潔耿介於丘園慕七人之遺風
年七十有五建寧二年六月卒臨沒顧命曰知我者其
蔡邕乃爲銘載書休美俾來世昆裔永有諷誦於先生

之德其辭曰

民之齊敏卓時挺生恩心精敏粹物通靈術有玄妙
于時時情開道暗美協然若雲中苑善操與世無營
海其若濁徐然後清俾其若煥發其益貞有恒實難
知更其經整爾來世是若其是編

蔡中郎文集卷之二終

蔡中郎文集卷之三

司空楊秉碑

公諱秉字節叔弘農華陰人也其先蓋周武王之穆晉
唐叔之后也末葉以支子食邑千楊因氏焉周家旣微
裔胄無緒暨漢興烈祖楊熹佐命征伐封赤泉侯嗣子
業紱冕相繼公之不考以忠蹇亮彌輔孝安登司徒太
尉公承夙緒世薦儒教以歐陽尚書京氏易誨授四方
學者自遠而至蓋踰三千初辟司空舉高第拜侍御史
遷豫州兗州刺史任城相徵入勸講拜太中大夫左中

郎將尚書出補右扶風留拜光祿大夫遭權嬖貴盛六年守靜外戚火燔乃遷太僕太卿公事絀位浹辰之間俾位河南憤疾豪強見邁姦黨用嬰疾廢起家復拜太常遂涉三司沙汰虛冗料簡真實抽授表達與之同蘭芳任昇重從駕南巡爲朝碩德然知權過於寵私富侔國大臣苛察望變復還條表以聞啓導上怒其時所免州牧郡守五十餘人饗戾是絀英才是列善否有章京夏清肅在位七載年七十有四延熹八年五月丙戌薨朝廷惜焉寵賜有加自奉嚴勅動遵禮度量材授任嘗

官而行不爲義疾疾是謂立身無過之地正直清
鏤雕夙喪嬪儷妾不變立身無過之地正直清
儉該備者矣昔仲尼有垂三戒而公克焉故能匡朝盡
直獻可去奸忠佞前後聲塞宇宙非黃中純白窮達一
致其惡能立功立事敷聞于下昭升于上若茲魏魏者
乎於是門人學徒相與刊石樹碑表勒鴻勳讚懿德傳
億年於戲公唯岳靈天挺德翼至神氣絀縕仁哲生應
台階作邦植帝欽亮訪典刑道不惑迄有成光遐邇穆
其清

司空臨晉侯楊公碑

皇帝遣中謁者陳遂侍御史馬助持節之樞陳遵桓典
蘭臺令史十人將羽林騎鉦車介士前後鼓吹以驃騎
將軍官屬及司空法駕與公鄉尚書三臺以下葬我文
烈侯三年九月甲申小祥會如初四年九月戊申大祥
公卿尚書三臺以下會如小祥之禮公之祖納忠於前
朝以罹艱禍父隱約蟄瘁治家師道唯儉之尚公生值
歎福資賄屢空手執勤役遠涉道里以修經術險阻艱
難曷所不嘗特以其辭則真一審固動則不違則度含

容覆載無競伊人謀無不忠言無不信自在弱冠布衣
之中固已流芳名著茂實公孫同倫莫能齊焉者矣州
郡禮招莫之能屈委百里位避公車令自侍御史侍中
已往道爲帝師德爲世表體尊名重階級彌崇而公處
以恭遜行以固慎德大而心小居高而志降夫驕吝之
釁周公其猶病諸而公脫然以爲行首不亦恭乎及其
所以匡輔本朝忠言嘉謀造膝危辭當事而行言從計
納亦不敢宣密誠潛功貽于帝躬家無遺草論者不見
嗟乎誠爲達事君之體得人臣之上儀者已公素不貴

歸非不樂引美故雖彷彿猶不敢載以順公之雅初受
封自以功不副賞前後固辭章凡十上憂愠悄悄形于
容色雖不克從情旨昭顯晚節爲廷尉公曰昔在三后
成功惟殷于民而臯陶不與焉蓋亦之也及爲特進又
曰唯漢重臣中興以來克稱斯位者其唯高密元侯乎
吾何德以堪諸寢疾顧命無辭要言約戒忠儉而已孤
彪銜恤永思綴輯所履以贊銘之銘曰

赫赫烈侯卓爾超倫於唯楊公乃華降神故能明哲
德亞聖人受茲介福位極人臣包羅五典本道根真

爲國之師諱尚經文類膺鄉校五登昇鉉建名著忠
礎越前賢攘災興化靈感不臻風雨有時屢獲有年
三葉宰相應祚于天臨晉是侯子子孫孫億兆不窮
如山之堅四時潔祠以承奉尊祀事孔明奉亡如存
發發芬芬以慰顯魂

漢太尉楊公碑

公諱賜字伯鮫弘農華陰人姬姓之國有楊侯者公其
後也其在漢室亦泉侯佐高丞相翼宣威以盛德光于
前朝祖司徒考太尉繼跡率司威有勳烈公承家崇執

受天醇素欽承靈燁開于伐何烈風雖變不易其趣文
以典籍尋道入奧操清行期清晦幽閑不吝州郡之命
辟大將軍府不得已而應之遷陳倉令公乃因是行退
居廬公車特徵以病辭司空舉高第拜侍中越騎校尉
帝篤先業將問故訓公以羣人之舉進授尚書于禁中
遷少府光祿勳敬揆日事莫不時序庶并知禮圖闡推
清列作司空地平天成陰陽不忒公遂身避託疾告退
又以光祿大夫受命司徒敬敷五品宣洽人倫贊和化
理股肱耳目之任靡不克明及至太尉四時順動三光
耀潤羣生豐豔遂太和交薄三作六卿五蹈三階受爵開
國應位特進非盛德休功假于天人孰能該備寵榮兼
包今錫如公之至者乎公體資明哲長於知見凡所辟
選升諸帝朝者莫非瑰才逸秀并參儲佐惟我下流二
三小臣穢損清風愧于前人乃紀合同僚各述所審紀
公勲績刊石立銘以慰永懷

天降純嘏篤生柔嘉僻胤祖考光輔國家三業在服
帝載用和粵暨我公尤執至貞在棟伊隆于昀斯寧
德被宇宙華夏以清受茲介福履祚孔成爲邑河渭

衮冕綬珽以佐天子祇事三靈丕顯伊德萬邦作程
爰銘爰贊式昭懿聲

文烈侯揚公碑

公諱賜字伯猷兼通五典周覽篇籍以爲尚書帝王之
政要有國之大本也是以三葉相承研其精義五代之
微言王政之約綱罔不尋其端源究其條貫凜乎其見
聖人之情旨也蓋以韜騰餘蹤思高游夏初潛山澤授
誨童冠後生賴以發袪蒙蔽文其材素者蓋不可勝數
乃由宰府遂作帝臣于時聖幼將入學君公以溫故知

新德宜師保乃以越騎校尉授于光上之內帝座已此
面以納大誨其教人善誘則恂恂焉罔不伸也引情致
喻則闇闇焉罔不釋也迄用有成緝熙光明惟帝念功
六在九卿三事勳假皇天澤充區域疆土建封申增戶
邑人臣之極位兼而有之然處豐益約九命滋恭可謂
高朗令終有始有卒者已於是門生大將軍何進等瞻
仰洙泗公喪之禮糾合朋徒稽諸典則僉以爲匡弼之
功政事之實詔策之文則史臣志其詳若夫道術之美
授之方策則是門人二三小子所特貫錄敢竭不才譔

錄所審言于碑乃申頌曰

巍巍聖猷匪師不昭士子因蒙匪師不教於皇文父
邈哉伊超如玉之回如岳之喬鑽之斯堅仰之彌高
示我顯德授我無隱正席傳道承帝之問誨茲一人
萬邦作順微微戎徒實賴遺訓文武作式元勛旣奮
光啓爵土垂統末胤存榮亡哀沒而不泯

司空文烈侯楊公碑

曰漢有國師司空文烈侯楊公公惟司徒之孫太尉公
之胤子皇祖考以懿德齊及丕手勳式建丕休勳啓

公祗服弘業克丕堂構小乃不敢不慎大亦不敢不戒
用罔有擇言失行在於其躬泊在辟舉先志載言罔不
攸該乃自宰臣以從王事立功不有用辭其祿建作御
史允執國憲納于侍中在帝左右爰董武事王師孔閑
羣公以舊德碩儒道通術明宜建師保延入華光侍宴
露寢敷典誥之精旨達聖王之聰睿帝以機密齋栗常
伯劇任鮮克知臧以釐其采命公再作少府俾率其屬
以熙庶績天地作險國家丕承軍門祛禁式遏寇虐命
公再作光祿亦總其熊羆之上不二心之臣保乂帝家

巖巖大理惟制民命命公作廷尉惟刑之恤旁施四方
惟明折獄蔽罪于憲之中亦惟三禮六樂國之元幹命
公作太常明德惟馨八音克諧神人以和永世豐年溥
天率土而衆莫外命公作司空公唯戢之翊明其政時
惟休哉唯天陰隲下民彝倫所由順序命公作司徒而
敬敷五教以親百姓父義母慈兄友弟恭子孝時惟休
哉昭孝於辟雍命公作三老帝躬以祗敬遵有虞於上
庠泮泮大運垂光烈耀命公作太尉璇璣運周七精循
軌時惟休哉帝欲宣力于四方公則翼之辟道或回公

則弼之虔恭夙夜不敢荒寧用對揚天子丕顯休命
子大簡其勳用授爵賜封侯于臨晉功成化洽景命有
傾帝乃震慟執書以泣命于左中郎將郭儀作策賜公
驃騎將軍臨晉侯印綬兼誦特進謚以文烈寵命畢備
而後即世肆其孤彪敢儀古式昭銘景烈銘曰

天監有漢誕生元輔世作三事勳在王府乃及伊公
克光前矩悉心畢力胤其祖武化洽群心澤漫綿宇
帝曰文烈朕嘉君功為邑河渭建茲土封申備九錫
以祚其庸位此特進于異群公昔在申呂匡佐周宣

齊中興集 卷之三
八
一
高山作頌大雅揚言今我文烈帝載用熙參光日月
比功四時身歿名存永世慕思

琅邪王傅蔡朗碑

君諱朗字仲明蓋倉頡之精胤姬稷之末胄也昔叔度
文王之昭建侯于蔡以國氏焉迄于平襄周祚微缺王
室遂卑齊晉交爭強楚侵陵昭侯徙于州來公族分遷
氏家于圉奕葉載德常歷官尹以建于茲君雅操明允
威厲不猛履孝悌之性懷文藝之才包洞典籍刊摘沉
秘知機達要通含神契既討三五之術又采二南之

以魯詩教授生徒雲集莫不自遠並至栖遲不易其志
簞食曲肱不改其樂心棲清虛之域行在玉石之間是
以德行儒林智周當代四岳稱名帝曰余聞元和元年
徵拜博士舒演奧秘贊理闕文所立卓爾度躡雲縱其
選士也抑頑錯枉進聖擢偉極遺逸於九臯揚明德於
側陋拔茅以彙幽滯用濟加以清敏厥平好是正直規
誨之策日諫于庭忠謹著烈令聞流行聖朝以藩國貴
胄先帝遺體或以繼絕襲位正於阿保未洽雅訓驕盈
僭差或蹈憲理非弘直願儒莫能匡弼蔡君審行修德

遷退可度遷河間中尉琅邪王傳乃從經術之方示以
集謀之威率禮莫違其國用靖維安國之輔梁孝仲舒
之相江都靡以加焉勲績既盛帝簡其功將授上位遷
于紫宮賦壽不永遘此疾凶年五十八永興六年夏卒
嗚呼哀哉凡百君子咨痛罔極殷懷傷悼含涕流惻
如何昊天喪我師則爰勒斯銘式昭其德銘曰天縱
明哲於赫我君含弘光大玄覽孔真潛樂教思韞玉
衡門雲龍感應養徒三千珠藏外耀鶴鳴聞天若時
徵庸登祚王臣綜彼前疑定此典文叅佐七德俾相

大藩身沒稱顯永遺令勲表行揚名垂示後昆

劉鎮南碑

君諱表字景升山陽高平人也君膺期誕生瑰偉大度
黃中通理博物多識為郡功曹千里稱平上計吏辟大
將軍府遷北軍中侯在位十旬以賢能特選拜刺史荆
州永漢元年十一月到官清風先馳莫不震肅奸軌改
節不仁引頸君乃布愷悌流惠和慕唐叔之野棠思王
迹之驅印賦政造次德化宣行俄而漢室大亂禍起蕭
牆賊臣專政豪雄虎爭縣邑閭里奸仇煙發州縣殘破

天下土崩四海大壞當是時也雖有孔翟之聖賢育貴
之勇勢無所措其智力君遇險而建略遭難而發權招
命英俊援得驍雄謀臣武將合策明計出次北境遷屯
漢陰因滄浪以為隍即春葉以為庸南撫衡陽東綏淄
沂西靖巫山保又四疆選才任良式序賢能簡將命卒
綦布星陳備要塞之處戍八方之邊勸穡務農以田以
漁稔粟紅腐年穀豐夥江湖之中無劫掠之寇沅湘之
間無攘竊之民郡守令長冠帶章服府寺亭鄉崇棟高
門皆如其舊當世知名輻輳而至四方襁負自遠若歸

窮山幽谷於是為邦百工集趣機巧萬端器械通變利
民無窮鄰邦懷慕交揚益州盡遣驛使冠蓋相望下民
有康哉之歌群后有歸功之緒莫匪嘉績克厭帝心即
遷州牧又遷安南將軍領州如故于時諸州或失土流
播或水潦沒害人民死喪百遺二三而君保完萬里至
于滄海聖朝欽亮析圭授土俾揚武威遣御史中丞鍾
繇即拜鎮南將軍錫鼓吹大車策命褒崇謂之伯父置
長史司馬從事中郎開府辟召儀如三公上復遣左中
郎將祝耽授節以增威重并督交揚益三州委以東南

惟君所裁雖周召授分陝之任不過遠也交州殊遠王
塗未夷夷民歸附大小受命其郡縣長吏有缺皆來請
之君權為選置以安荒裔輒別上聞齊桓遷邢封衛之
義也武功既亢廣開雍泮設俎豆陳罍養親行鄉射躋
彼公堂薦焉志好學吏子弟受祿之徒蓋以千計洪生巨
儒朝夕講誨聞問如也雖洙泗之間學者所集方之篋
如也深愍末學遠本離質乃令諸儒改定五經章句刪
刻浮辭芟除煩重賚之者用力少而探微知機者多又
求遺書寫還新者留其本故於是古典壻集充滿州閭

及延見武將文吏教令溫雅禮接優隆言不及軍旅之
事辭不遷官曹之文上論三墳八索之典下陳輔世忠
義之方內剛如秋霜外柔如春陽不伐其善不有其庸
如彼川流每往茲通可謂道理丕才命世希有者已仁
者壽宜享胡考昊天不弔年六十有七建安十三年八
月遘疾殞薨耕夫罷耜織女投杼老幼哀號若喪父母
時道路艱險留墳州土轉移茆廬立墓父勉其子妻勉
其夫欲共扶送至于鄉里南鄉太守樂陽亭侯曼恩等
言及志在州里者自各發卒具送靈柩之資殺徵拜五

官中郎將乃共上歸本縣墓見聽許太和二年葬于先
塋於是故臣懼淪休伐以為申伯甫侯之翼周室受輅
車乘馬玄衮赤舄之賜詩人詠功列于大雅至今不朽
况乎將軍牧二川二紀功載王府賜命優備賴而生者
毓子孕孫能不歌嘆乃作頌曰

猗歟將軍膺期挺生桓桓其武温温其仁初幹千里
允顯使臣幕府禮命集于北軍督齊禁旅如羆如熊
眷然南顧綏我荆衡將軍之來民安物豐江湖交壤
刑清國興蔽芾甘棠召伯聽訟周人勿刻我賴其禎
欲報之德胡不億年如何殂逝孤弃萬民鑄勒墓
以紀洪勲昭示來世垂芳後昆

蔡中郎文集之四

太傅安樂鄉文恭侯胡公碑

公諱廣字伯始交趾都尉之元子也公應天淑靈履性
貞固九德咸修百行必備遭家不造童而夙孤上奉繼
親下慈弱弟崎嶇儉約之中以盡孝友之道及至入學
從訓歷觀古今生而知之聞一覩十是以周覽六經博
總群議旁貫憲法通識國典年二十七察孝廉除中尚
書侍郎尚書左丞尚書僕射幹練機事綢繆樞極忠亮
唯允簡于帝心智略周密冠于庶事遷濟陰太守其為

政也寬裕足以容衆和柔足以安物剛毅足以威暴體
仁足以勸俗故禁不用刑勸不用賞其下望之如日月
從之如影響思不可忘度不可革遺愛結於人心超無
窮而垂則徵拜大司農遂作司農遷太尉以援立之功
封安樂鄉侯錄尚書事稱疾屢辭策賜就第復拜司空
功成身退俾位特進又拜太尉復以特進致命休神又
拜太尉遜位歸爵旋于舊土徵拜太中大夫尚書令太
僕太常司徒永康之初以定策元功復封前昌錄尚書
事疾病就第又授太傅入參機衡五蹈九列七統三事

諒闇之際三據冢宰和人事於宗伯理水土於下台執
五品於司徒耀三辰於上階光弼六世歷載三十自漢
興以來尚臣元輔蓋袞老成勲被萬方與祿終始未有
若公者焉春秋八十二建寧五年三月壬戌薨于位天
子悼惜羣后同懷詔五官中郎將任芝奉鬯贈以太傅
安樂鄉侯印綬拜室家子一人郎中勅東園祕器賜絲
帛含歛之備中諡者董詡弔祠設喪錢布賻賜率禮有
加賜諡曰文恭昭顯行迹四月丁酉葬于洛陽塋故吏
濟陰池喜感公之義率慕黃鳥之哀推尋雅意彷徨舊

士休績丕烈宜宣于此乃樹石作頌用揚德音詞曰
於皇上德懿鑠孔純大孝昭備思順履信膺其命世
保茲舊門滄泉休茂彪炳其文爰尚天機翼翼唯恭
夙夜出納紹跡虞龍賦政于外神化玄通普被汝南
越用熙雍帝曰休哉命公三事乃耀柔嘉式是百司
股肱元首庶績咸釐二氣燮雍五徵來備勲格皇天
澤洽后土封建南蕃受茲介祐玉藻在冕毳服艾輔
路車雕駟四牡脩扈贊事上帝祗祠宗祖陟降盈虧
與時消息旣明且哲保身遺則同軌旦奭光充區域

生榮死哀流統罔極

胡公碑

公諱廣字伯始南郡華容人也其先自媯姓建國南土
曰胡于春秋書焉列于諸侯公其後也考以德行純懿
官至交趾都尉公寬裕仁愛履職憚大研道知機窮理
盡性凡聖哲之遺教文武之未墜罔有不綜年二十七
察孝廉除郎中尚書侍郎左丞尚書僕射內正機衡允
釐其職文敏暢乎庶事密靜周乎樞機帝用嘉之遷濟
陰太守公乃布愷悌宣柔嘉道神化道靈邪取忠貞於

不言消奸究於瓜牙是以君子勤禮小人知耻鞠推息
於官曹刑戮廢於朝市餘貨委於路衢餘種栖于吠豕
還汝南太守增脩前業考績旣明入作司農實掌金穀
之淵數和均關石王府以充遂作司徒昭敷五教進作
太尉宣暢渾元人倫輯睦日月重光遭國不造帝祚無
主援立孝桓以紹宗緒用首謀定策封安樂鄉侯戶邑
之數加于季公入錄機事聽納總已致位就第復拜司
空敷土導川俾順其性功遂身退告疾固辭乃爲特進
爰以休息又拜太常典司三禮敬恭禋祀神明嘉歆永

世豐年聿懷多福復拜太尉尋申前業又以特進逍遙
致位又拜太常遭疾不夷遜位辭爵遷於舊都徵拜太
中大夫延和末年聖主革正幸臣誅薨引公爲尚書令
以二千石居官委以閫外之事釐政度量以新國家弘
綱旣整袞闕以補乃拜太僕車正馬閑六駟習訓遷太
常司徒成宗晏駕推建聖嗣復封故邑與參機密寢疾
告退復拜太傅錄尚書事于時春秋高矣繼親在堂朝
夕定省不違子道旁無凡杖言不稱老居喪致哀率禮
不越其接下答賓雖幼賤降等禮從謙厚尊而彌恭勞

思萬機身勤心若雖老萊子嬰兒其服方叔克壯其猷
公旦納于台屋正考父俯而循體曷以尚茲夫蒸蒸至
孝德本也體和履忠行極也博聞周覽上通也勤勞王
家茂功也用能十登三事篤受介祉亮皇世於六王嘉
丕績於九有窮生人之光寵享黃考之遐紀蹈明德以
保身與福祿乎終始年八十有二建寧五年春壬戌薨
于位天子悼痛贈策遂賜誄謚曰文恭如前傳之儀而
有加焉禮也故吏司徒許詡等相與歛慕崧高蒸民之
作取言時計功之則論集行跡銘諸碗琰其詞曰

伊漢元輔時惟文恭聰明獻哲思心瘁容畢力天機
帝休其庸賦政于外有邈其蹤進作鄉士粵登上公
百揆時序五典克從萬邦黎獻共唯時雍勳烈既建
爵土乃封七被三事再作特進弘唯幼冲作傳以訓
赫赫猗公邦家之鎮澤被華夏遺愛不倫日與月與
齊光並運存榮亡顯沒而不泯

胡公碑

維漢二十有一世建寧五年春三月既生魄八日壬戌
太傅安樂鄉侯胡公薨越若來四月辛酉葬我君文恭

侯於是掾太原王允鴈門畢整屬扶風魯宙潁州殷歷
等僉謂公之德也柔而不犯威而不猛文而不華實而
不朴靜而不滯動而不躁總天地之中和覽生民之上
操聰明膚敏兼管先覺涉觀憲法契閱文學睹臯陶之
闡閭探孔子之房奧然而約之以禮守之以恭寬以納
衆汎愛多容其誘人也恂恂焉怡怡焉 伏夫蒙惑開析
後矣優順逸惰能夫勤信及其創基即位發跡機密聖
朝其知其能夙夜惟寅以允帝命是以頻繁機極三升
而不出焉乃選譚其舊章彌綸古訓貫萬品研精微用

補前臣之所闕十年而無愆強計同乎富平周慎逸於
博士偶山甫乎喉舌匹虞龍而納言唯帝命工以二郡
其爲政也導人以德帥物以已敦以忠肅厲以知耻人
悅其化夫樂其和士相勉於公朝民勸行於私家微墨
縈而靡係鞭朴棄而無加洋洋乎若德宣治嚴以爲威
寬以爲福而已哉五作卿士七蹈相位太僕司農太傅
司空各一司徒特進各二太常太尉各三光輔六世歷
載三十有餘其致治也通水泉於潤下蕃后土於稼穡
訓五品於群黎衆人物於區域耀三辰於渾元協大甲

於皇極傳聖德於幼冲率日秉於舊職譬彼四時功成則退在盈思中升隆以順建封域於南土踐殊域於特進榮祚統業垂乎來胤公自二郡及登相位凡所辟用遂至大位者故司徒中山祝括其餘登堂閣據賦政策勳樹功流化者蓋不可勝載唯我末臣頑蔽無聞仰慕群賢惡乎可及自公寢室至于薨斃參與嘗禱列在喪位雖庶物戮力不愆于禮進睹墳塋几筵靈設退顧堂廡音儀永闕感悼傷懷心肝若割相與累次德行撰舉功勳刊之于碑用慰哀思

煥文德伊朝后應期運作漢輔喜中興膏民庶澤洪淳亶攸序亘地區充天宇麟高遠踵遐武揚景烈垂不朽仰邃古耀昆後

太傅祠前銘

天鑒有漢山岳降靈於赫文恭應期誕生好是懿德柔惠且貞爰在初服皇嘉其聲納于機密機密惟清守于三邦三邦事寧越尹三卿伯揆時序七受帝命作此元輔左右六世靖綏土宇蠢彼群生保賴亶叙紹跡龍夷繼軌山甫遭國不造仍世短祚援立聖嗣保公之謨帝

曰文恭朕嘉君功爲邑安樂以祐其庸登位特進于異
群公休命丕顯光寵克章公拜稽首是對是揚藹藹惟
公民斯攸望春秋旣暮倏爾乃喪不憇是遺俾屏於皇
新廟奕奕于以丞嘗于子孫孫承嗣無疆

漢交趾都尉胡府君夫人黃氏神誥

夫人江陵黃氏之季女字曰列羸其先出自伯翳列封
于黃以國氏焉高祖父汝南太守曾祖父延城大尹祖
父番禺令父以主簿嘗誼六守事奉明君以立臣節漢
南之士以爲美談初都尉君娶于故豫州刺史即苗君

之姊生太傅安樂侯廣及卷令康而卒繼室以夫人二
孤童紀未戲育于夫人夫人懷聖善之姿藹慈母之仁
撫育二孤道守以義方思齊先姑神罔時恫致能迄用有
成誕膺繁祉廣歷五卿七公再封之祿康亦由孝廉舉
牧二城九鼎之義夫人是享爰旣雅孫更仕三官或典
百里或作虎臣銀艾貂蟬近侍顯尊受茲介福于我夫
人自都尉仕于京師六十有餘載其乘輅執贄朝皇后
採桑桑于天宮手三盆于蘭館者蓋三十年上有帝室
龍光之休下有堂宇斤斤之祚心耽其榮體安其玄遠

圖長慮用遺舊居欲留此焉康寧之時亟以為言太夫人年九十一建寧二年薨于太傅府是月辛酉公之季子陳留太守碩卒于洛陽左池里舍公銜哀悼祗慎其屬遵奉遺意不敢失墜乃俾元孫顯咨度群儒以考其衷金曰昔帝舜沒於蒼梧殯於虞郊二妃薨於江湘不即兆于九疑延陵季子寔惟吳人長子道終卜苑廡博夫遭時而制不遠遷徙魂氣所之不繫丘壠帝舜以之神罔時怨季札以之仲尼嘉焉鑒帝藉之高論綜精靈之幽情稽先人之遐迹順母氏之所寧茲事體通而義

同允不可替於是公乃為辭昭告先考然後卜定宅兆龜筮襲從遂營窀穸之事舉封樹之禮十月既望粵翌日巳酉葬我夫人黃氏及陳留太守碩于此高原維陽東界關亭之阿天子使中常侍謁者李納吊且送葬持賻錢二十萬布二百疋再以中牢祀群后畢會榮哀孔備于時濟陽故吏舊民中常侍勾陽于肅等二十三人思應慕化推本議銘著斯碑石俾諸昆裔瞻仰以知禮之用是為神語乃申頌曰

於穆夫人家邦之媛昔在嬴代黃國氏建致于近祖

恒罔極遂及斯表鐫著堅珉頌曰

悲母氏之不永兮懷殷恤以摧傷惟子道之無窮惜
聞誨之未央庶冀者以期願胡委我以夙喪憂心恒
以激切亦割肝以絕腸昔先聖之遺辭言仁者其壽
長嗟母氏之憂患體愷悌以慈良失延年之報枯獨
何棄乎穹蒼日月忽以將暮抱長結以含愁尋脩念
於在昔原疾病之所由遭元子之弱天心傷頽以自
憂暨叔季之殞終哀情結以彌綢皇姑沒而中感遂
大漸兮速流疾酸熾而日溝氣微微以長浮銷精魂
以遐翔會不可乎挽留爾

乃順旨於冥冥繼存意於不違爰附靈於皇姑尚魂
魄之有依潛幽室之黯漠惜昭明之景輝一往超以
未及傾阻邈其彌遲顧新廟以累欵伏几筵而增悲
嗟既逝之益遠眇悠悠而不追

議郎胡公夫人哀讚

議郎夫人趙氏字曰永姜允有令德秉心塞淵舒詳閑
雅儀節孔備女師四典窈窕德象罔不習熟以供婦道
議郎早世檢誨幼孤義方以導其性中禁以閑其情孤

顯儉節用免咎悔少辟侍中襲先公之爵以議郎出為
濟陰太守是時夫人寢疾未薨而國家方有滎陽寇賊
震驚帝師簡選州辟授任進衛不得辭王命親醫藥夫
人乃自矜精稟氣力俛起若愈以勸遣顯到官月餘所
疾暴盛春秋五十八中平四年薨于京師顯有剖符之
寄偪於國典疾篤不得顧親增感氣絕不能自存慎終
之事闕焉永廢雖不毀以隨沒亦困悴而傷懷知我如
此不如無生號眺告哀以乞骸骨踰年然後獲聽追惟
考君存時之命迎棺舊土同穴此城孤心摧割靡所底
念仰瞻二親或有神誥靈表之文敢曰亮闇叙我憂痛
作哀讚書之于碑愍于小子夙離內艱嚴考殞沒我在
韶年母氏鞠育載矜載憐殷斯勤斯慈愛備存匪惟驕
之範我軌度教誨嚴肅昭示好惡俾我克類畏威忌怨
用免咎悔踐繼先祖即爵其土二將是臨與帝剖符守
于濟陰其夫寢疾榮此寵休疾用歡痊翊日斯殤將征
將邁從養陶丘景命徂逝不愍少留疾大漸以危亟兮
猶微微以浸衰逼王職於憲典兮子孫忽以替違目不
臨此氣絕兮手不親夫含飯陳衣衾而不省兮合綆棺

蔡中郎文集卷之四
而不見昔予考之即世考安宅兆于舊邦依存意以奉
亡考遷靈柩而同來考妣痛以慘考離乖神柩集而移
考增哀黃壚密而無間考出入閱其無門昇柩在茲考
不知魂景之所存悼孤衷之不遂考思情憫以傷肝幽
情淪于后坤考精哀達乎昊乾

蔡中郎文集卷之四

蔡中郎文集卷之五

光武濟陽宮碑

惟漢再受命曰世祖光武皇帝考南頓君初為濟陽令
濟陽有武帝行過宮常封閉帝將生考以令舍下濕開
宮後殿居之建平元年十二月甲子夜帝生時有赤光
室中皆明使卜者王長卜之長曰此善事不可言歲有
嘉禾一莖生九穗長於凡禾因為尊諱去室中微哀平
短祚姦臣王莽媮有神噐十有八年罪成惡孰天人致
誅帝乃龍見泉淵躍飛昆上破前隊之衆彌二公之師

牧兵略地經營河朔戮力成功翬戴而始義不即命帝
位闕焉於是群公諸將據河洛之文協符瑞之珍僉曰
歷數在帝踐祚允宜乃以建武元年六月乙未即位鄩
縣之陽九域之陌祀漢配天不失舊物享國三十有六
年方內又安蠻夷率服巡狩泰山禪梁父皇代之遐迹
帝者之上儀罔不畢舉道德餘慶延于無窮先民有言
樂樂其所自生而禮不忘其本是以虞稱媯汭姬姜周
原皇天乃眷神宮實始于此厥跡邈哉所謂神麗顯
越不可尚小臣河南尹輩瑋先祖銀艾封侯歷世卿尹

受漢厚恩瑋以商箕餘烈郡舉孝廉為大官丞來在濟
陽願見神宮追惟桑梓褒述之義用敢作頌

赫矣炎光爰耀其輝萬生聖皇二漢之微稽度軌則
誕育靈姿黃孽作厖冥握天機帝赫斯怒爰整其師
應期潛見扶陽而飛禍亂克定群凶殄夷匡復帝載
萬國以綏巡于四岳展義省方登封降禪升于中皇
爰茲初基天命孔彰子子孫孫保之無疆

太尉汝南李公碑

公諱威字元卓汝南西平人蓋秦將李信之後孝武大

將軍廣之胄也枝流葉布家于茲主文武繼踵世為著
姓曾祖父江夏太守伯父東郡太守父受純懿之資粹
忠清之節夙夜嚴慄孝配大舜敦詩書而悅禮樂觀天
文而察地理兼動與神合契抗流行操邁伯夷德追孔
父舉孝廉除郎中光祿茂才遷衛國公相受高密令勤
恤民隱政成功簡遷徐州刺史百司震肅號饗餐風靡惡
直醜正恭事法宮帝念其勲屢被榮命漁陽太守還遷
度遼將軍協德魏絳和戎綏邊徵河南尹母憂乞行服
闋奔命孝和皇帝時機密又缺百僚僉乞詔拜尚書歷

僕射公納言危行不緇以公事去民神憤怒羣公薦之
帝曰俞哉徵拜將作大匠大司農大鴻臚太僕射公所
蒞任憲天心以教育激垢濁以揚清為國有賞蓋有億
兆之心懿鑠之美昭登于上不顯之化宣聞于下及遷
台司位太尉補袞闕叙彝倫天人交格終始無疵雖元
凱翼虞周召輔姬末之或踰功遂身退以疾自遜求歸
田里告老致仕七十有六嘉平四年薨海內咨嗟莫不
惻焉於是故吏潁川太守張溫等相與嘆曰名莫隆於
不朽德莫盛於萬世銘勒顯于鍾鼎清烈光于來裔刊

不立碑德載不泯詞曰

天垂三台地建五岳降生我哲應鼎之足奕世載德
名昭圖錄既文且武桓桓紹續外則折衝內則大麓
惟清惟敏品物以熙告老懸車天人靡欺曾不百齡
圮我國基人之云亡八極悼思申德作頌光寵宣流
鐫紀斯石鴻烈顯休

陳留索昏上里社銘

曰社祀之建尚矣昔在聖帝有五行之官而共工子句
龍為后土及其沒也遂為社祀故曰社者土地之主也

周禮建為社位左宗廟右社稷戎醜攸行於是受脈土
膏恒動於是祈典又班之于兆民春秋之中命之供祠
故自有國至于初庶莫不祀焉惟斯庫里古陽武之戶
牖鄉春秋時有子華為秦相漢興陳平由此社宰遂佐
高帝克定天下為右丞相封曲逆侯永平之世虞延子
為太尉司空封八至嘉平延第曾孫放字子卿為尚書
外戚梁冀乘寵亂首策誅之王室以績詔封都亭侯
太僕太常司空恩光天子而維四方克錯其功徒烈有常
於是司監爰暨羣小人僉以為宰相繼踵咸出斯里秦一

漢三而虞氏世焉雖有積善餘慶終身之致亦斯社之所相也乃與樹碑作頌以示後昆

唯王建祀明事百神乃顧斯社于我兆民明德惟馨其慶聿彰自嬴及漢四輔代昌爰我虞宗乃世重光元勳既立錫茲土疆乃公乃侯帝載用庸神人叶祚且巨且長凡我里人盡受嘉祥刊銘金石永思不忘

陳留太守胡公碑

君諱碩字季獻交趾都尉之孫太傅安鄉侯少子也其先與楚同姓別封于胡以國為氏臻乎漢奕世載德不

替舊勳君幼有嘉表克岐克嶷不見異物習與性成孝于二親養色寧意蒸蒸雍雍雖會閔顏萊無以尚也總角入學治孟氏易歐陽尚書韓詩博綜古文周覽篇籍言語造次必以經綸加之行也忠儉事施順恕公體所安為衆共之驕吝不萌於內喜愠不形於外可謂無兢伊人溫恭淑慎者也初以公在司徒除郎中宿衛十年遭叔父憂以疾自免州郡交辟皆不就後以大將軍高第拜侍御史遷諫議大夫以將軍事免官舉賢良方正不詣公車建寧元年召拜議郎納忠盡規匪懈于位遷

侍中虎賁中郎將是年遭疾屢上印綬詔書聽許以侍
中養疾其年七月被尚書召不任應命詔使謁者劉
賈印綬即拜陳留太守君聞使者至加朝服拖紳使者
致詔君以手自繫陳辭謝恩其明二十一日遣吏奉章
報謝食後還與丞相荅意氣精了是日疾遂大漸刻漏
未分奄忽而卒時年四十一天子憫悼詔使者王謙送
葬以中牢具祠賜錢五萬布百疋贈穀三千斛同位畢
至赴吊雲集生榮未艾沒有餘哀於是遐邇縉紳爰暨
門人相與嘆述君德追痛不永怛切情慄無不永懷
由已作名自人成先民旣邁賴茲頌聲嗟我明哲如何
勿銘乃作辭曰

猗歟懿德令問有彰祗服其訓克構允堂孝思唯則
文藝丕光敦厚忠恕衆悅其良綏弱以仁不云我強
爰自登朝進退以方見機而作如鴻之翔乃位常伯
恪處左右兼掌虎賁禁戎允理邁茲瘡痍帝用悼止
俾守陳留庶薦其祉王人旣詔景命不俟嗚呼昊天
殲我英士如可贖也敦不百已哀哉永傷萬年是紀

陳留太守胡公碑

君諱碩字季獻交趾都尉之孫太傅安樂侯之子也順
帝時為郎中桓帝時遭叔父憂以疾自免荊州將軍比
辟輒辭疾後以高等拜侍御史遷諫議大夫舉賢良方
正病不請公車建寧元年七月拜陳留太守病加不任
應召詔使謁者劉惔即授印綬二十一日卒詔出遣使
者王謙以中牢具祠特賜錢五萬布一百疋贈穀二千
斛儔類赴送遠近鱗集於是陳留主簿高吉蔡軫等咸
以郡選充備官屬來迎者三十四人奔驚跋涉願承清
化逢天之戚不獲延祚痛心絕望切懼永慕乃相與衰

經庭位號跳靈柩將窆申勅脩儀裝紼在戎輿服寮御
部引各執其職路人感愴觀者嘆息蓋三綱之序與並
育以舊奉新嗟我行人敢不自勗遂樹碑作銘以表令
德

於藐下國瞻仰俊乂欽見我君爰我惠式昭績恩
有勞其頌昊天不吊景命顛隳板蒸烈憫悵喪氣
政雖未宣古之遺愛祁祁我君習習冠蓋脩誠以迓
曾不東邁靈魂徘徊靡所瞻逮惟其傷矣曾肝摧碎
勒銘告哀傳于萬代

時必求其本末

命木末之靈氣將回於山嶽

如雖木宜古之貴

亦於其然矣天不中

各歸不閱

百以

百以

百以

百以

蔡中郎文集卷之五



